

普
洱
府
志

地350125
139
15

參

卷二十二至二十六
學校志 廟學
學額 書院
義學
祠祀志
典祀 俗祀

普洱府志
卷二十二至二十六
學校志 廟學
學額 書院
義學
祠祀志
典祀 俗祀

普洱府志稿卷之二十二

學校志一

學校者王者所以聚天下之人才而甄陶之以盡其善而成其才也三代之隆厥法甚備後世去古日遠教法日衰二氏以歧之異端以壞之晦盲否塞道之在天下者不絕如帶有宋以來魁儒迭起其道大昌我

聖朝崇儒重道邁於往古惟邇來泰西之教入於中土無識者流趨之若鶩普洱接壤外夷風雖樸厚竊恐漸趨於漓焉茲編綜學校之成法以著於編庶知先王

普洱府志稿

卷之二十二

學校志一

廟學

化民成俗之道在此不在彼也志學校

廟學

孔子之道其在於世也如日月之經天江河之行地歷萬古而不敝故兩漢以來祀典日隆有加無已自京師而行省而郡而州縣莫不建立廟堂宮牆美富於以崇聖道順人心也普洱界在蠻徼

國初歸入版圖始創廟學歷年既多規模愈備茲編舉所以崇奉之典與夫先儒之有功於聖道而配享者爲一冊後之覽者或將有感於斯文太史公引詩曰高山仰止景行行止其此之謂乎



舊志普洱舊無學雍正七年設普洱府分元江府訓導
駐其地九年巡撫張允隨題建

聖廟十年訓導陳日盛請帑建大成殿於南關外宮牆
悉備雍正十三年設甯洱縣乾隆三十一年改設甯
洱教諭今仍爲府學乾隆三十二年闔學紳士以原
建地勢低窪移置今地重建崇聖祠三間大成殿五
間東廡西廡各五間神器庫祭器庫各五間大成門
櫺星門各三間禮門義路坊各一座泮池弓橋各一
道德坊二座太和元氣坊一座嘉慶二十一年改建
櫺星門二十三年重修文明坊道光六年知府鄭煜

普洱府志稿

卷之二十二

學校志一

廟學二

署甯洱縣知縣宮慕久率紳士陳恩洲包際泰等捐
建名宦鄉賢二祠各三間十一年知府鄭煜率紳士
舒俊楊文淵等重修崇聖祠太和元氣坊道德二坊

周圍宮牆

并買獲民人吳榮瓦房圍地以備建修倉聖宮基址

甯洱縣採訪同

治元年西逆陷城焚燬十一年游擊孫世恆率闔邑
紳士捐修大成殿東西廡崇聖祠並置崇聖祠四配
十二哲神位光緒五年迪南道沈壽榕率訓導張善
昌暨闔邑紳耆士庶捐資重修櫺星門移建太和元
氣坊補修崇聖祠東西兩廡重修道德二坊並鑿泮
池周圍牆垣

二十二年知府陳宗海倡捐率郡紳華瑞藻重建照牆

思茅廳

舊志思茅未設學舊無

聖廟嘉慶十九年同知李文桂倡捐偕士民建大成殿
三闕於城外思誠書院內春秋二仲捐資致祭道光
二十年同知李恆謙捐廉四百兩改建於東門外三
十年署同知侯晟率士民重建後爲崇聖祠前爲大
成殿東西兩廡大成門櫺星門坊沼宮牆悉備內附
建名宦鄉賢二祠案冊同治元年兵燹燬十年同知
廖鼎聲倡捐率士民重建規模宏敞是年西逆之變
焚燬殆盡光緒七年同知陳景湘率闔邑士民捐資

普洱府志稿

卷之二十二

學校志一

廟學

三

重修

威遠廳

舊志威遠自乾隆三十八年由鎮沅改隸普洱未設學
舊無

聖廟道光七年署同知秦士綸率士民捐建於抱母龍
山後爲崇聖祠三間前爲大成殿五間東西廡各七
間大成門櫺星門坊沼宮牆悉備內附建名宦鄉賢
二祠十五年告成詳請頒發祭品銀兩十九年議准
照甯洱附郭之例發給祭需銀兩體制同府學威遠
廳採訪

聖廟在抱母井東山道光七年同知恩長率屬捐建咸豐七年燬於兵光緒二十一年署同知黃怡曾籌款改修城內

他郎廳

舊志他郎自乾隆三十八年由元江改隸普洱添設訓導舊無

聖廟道光元年通判龔正謙率紳士金棠等捐建於門外嗣於五年通判李恆謙續成後爲崇聖祠三間前爲大成殿五間東西廡各七間大成門櫺星門坊沼宮牆悉備內左建倉聖閣右建魁星閣附建名宦

普洱府志稿

卷之二十二

學校志一

廟學

四

鄉賢祠忠義節孝祠五年詳請祭祀銀兩八年議准照甯洱附郭之例動支地丁公項體制同府學他郎廳採訪同治二年回匪據爲營殿宇坍塌牆壁燬壞廳紳孫世恆同闔邑士民捐資修葺